



Malik Bertelsen
Inatsisartunut ilaasortaq
c/o Inatsisartut Allattoqarfiat

Asasara Malik Bertelsen,

Inatsisartut suleriaasianni § 36, imm. 1 naapertorlugu akissummut ulloq 14. junimi tigusannut annertunerusumik pingasunik apeqquteqarputit. Tulliuttumi taakku ataasiakkaarlugit akissuteqarfigissavakka.

Qanormi isiorluta immitsinnut annertunerusumik pilersorsinnaalernissarput angussavarput?

Tamanna ajornangippat imminullu illersorneqarsinnaappat annertunerusumik immitsinnut pilersornerulernissaq Naalakkersuisunit anguniarneqarusuppoq. Nioqqutissarsarsuit tusintillit ullut tamaasa maanga eqqussorneqartillugit nammineq tunisassiornissatsinnut periarfissaqanngilagut.

Taamaattumik inuussutissiornerup iluani immitsinnut pilersornerup aallunneqarnissaa Naalakkersuisunit anguniarneqarpoq, taamaattorli aamma nioqqutissat nunanit alla-neersut pisisartut piumasarisaat eqqarsaatigineqassallutik.

Taamaattumik nunatsinni tunisassiat Nunatsinni tunisaanissaannut aporfusinnaasut peerniarlugit suliniartoqassaaq, taamaattumillu nerisassianik nakkutilliinerup nunatsinnit akisussaaffigineqarnissaata kingunissai iluanaarutaasinnaasullu Naalakkersuisunit isumaliutigineqarput. Suliniut taanna nunap immikkoortuini ineriartortitsinikkut iliussissanut ilaasussaavoq.

Qanormiuna isilluni Nuuk lmeq-mi sodavandit maqinneqartartut kisiartaallutik nunatsinni tunisassiarineqartut?

WTO-mi malittarisassat pillugit apeqqutivit ilaa eqqarsaatigalugu upernaq ataatsimiinermi immikkoortoq 43-mut Naalakkersuisut akissuteqaataannut innersuutissavakkit. Imeruersaatit puui pillugit inatsit illersuiniarnermi sakkugineqanngilaq, avatangiisinillu illersuiniarneq eqqarsaatigalugu atuulluni.

Nuuk lmeq, Carlsbergimit, Royal Unibrewimit aamma Kommuneqarfik Sermersooq'mit pigineqartoq, tunisassiat suut Nunatsinni tunisassiarineqassanersut tunisaassanersullu nammineq aalajangertarpoq. Taakku sunik tunisassiarissaneraat Naalakkersuisut tungaanniit ingerlatsinikkut akuliuttoqarneq ajorpoq.

29. juni 2010
Sagsnr. 2010-032898
Dok. Nr. 407529

Postboks 1340
3900 Nuuk
Tlf. (+299) 34 50 00
Fax (+299) 32 93 98
E-mail: nap@nanoq.gl
www.nanoq.gl

Aammattaaq Nuuk Imeq'p tunisassiaasa assinginik tunisassiornissaq kimulluunniit allamut ammavoq. Taamaattorli imeruusaatit puui pillugit nalunaarut eqqortinneqassalluni.

Aammattaaq Nunatsinnut sodavandinik eqqussuisoqarsinnaavoq, imeruusaatit puui pillugit nalunaarummut ilanngussami puui ilanngullugit allanneqarsimappata. Sodavandit aamma taakku sananeqarnerinut imerpallallugu atugassiat eqqussorneqarnerinut akitsuuteqarpoq.

Nunatsinni tunisassiarineqarsinnaasut assinginik Nunatta avataaniit eqqunneqarsinnaaneranut inerteqquteqalersinnaaneq ilumut Nunatsinnut ajoqutaasinnaanera Naalackersuisut qulakkeerlugu misissorniarnarlugu?

Apeqqutip taassuma nassuiaataa ilimagisat pinnagit piuvusumilli ilisimasat tunngavigalugit tunngavilersuisoqarnissaa qinnutigivat. WTO-p malittarisassiami nunami ilaasortaaffiusumi naammassineqarnissaannut pisussaaqqanngilaq, unioqqutitsinerillu kingunerisinnaasaannut nunat allat tamatumunnga qanoq qisuariarnerat apeqquataasarluni. Tassami imaamat nunap uparuarneqartup iliuusaa taassuma ingerlataanut ajoqusiineranik nuna uparuaasoq uppernarsaasussaamat. Taamaattumik aalajangersimanerumik erseqqissaanissaq ajornakusoorpoq.

Nunatsinni niuerfiusoq nunani tamalaani suliffeqarfinnut ima annikitsigaaq arlalissuarnit tamanna sammineqarnissaa kissaatigineqarnani. Kisiannili illersuiniarluta amerlavallaanik suliniuteqarutta tamanna allanut tunngavissiisinnaavoq. Tamanna pinngitsoortinnarlugu Nunatsinni illersuiniarluni suliniuteqarnerit nunanit allanit iliuuseqarfigineqassasut naatsorsuutigineqartariaqarpoq. Tamatumani taakku iluatsitsinissaat allanut naleqqiullugu annertuujusussaavoq.

Nunatsinni tunisassiorlut soqutigisaat Naalackersuisunit pitsaanerpaamik isumagineqarput, periarfissallu suut Nunatsinnut iluaqutaanersut isumaliutigiginissaat ammaffigalugit. Naalackersuisut 2006-imi nalunaarusiorput "Kalaallit Nunaat aamma World Trade Organisation" – pissutissaqartumillu taanna allanut saqqummiunneqaqqusaanani. Nunatsinni inatsisit WTO-mi malittarisassanik eqquutsitsinersut nunallu allat maalaaruteqarsinnaanerata tassani nalilersorneqarput.

Neriuppunga Naalackersuisut sinnerlugit apeqqutit qulaaniittutigut akissuteqarfigisimalugit.

Ikinngutinnersumik inuulluaqqusillunga



Kuupik Kleist

Naalackersuisut Siulittaasuat